



Broj: 02-04-2-2451/23  
Maglaj, 28.12.2023. godine

## ZAPISNIK

sa 1. vanredne sjednice Općinskog vijeća Maglaj  
održane dana 28.12.2023. godine u 09:00 sati u Sali Općinskog vijeća  
JU Dom kulture «Edhem Mulabdić» Maglaj

**Predsjedavajuća Aida Bašić:** Na osnovu člana 59. Poslovnika o radu Općinskog vijeća Maglaj, zaključka sa 33. redovne sjednice Općinskog vijeća Maglaj od 20.12.2023. godine otvaram 1. vanrednu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić i Mirza Mešić. Pozivi za sjednicu dostavljeni su OSCE terenskom uredu u Travnik i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas selamim pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 1. vanrednoj sjednici Općinskog vijeća.

Današnjoj sjednici Općinskog vijeća prisustvuju 22 vijećnika, nisu prisutni Đuhera Jasmin, Perhat Eldin i Vehabović Elvir.

Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj.

Otvaram raspravu po pitanju Dnevnog reda. Ukoliko nema diskutanata, zatvaram raspravu, te stavljam na glasanje predloženi Dnevni red.

## DNEVNI RED

1. a) Prijedlog Budžeta/Proračuna Općine Maglaj za fiskalnu 2024. godinu  
b) Prijedlog Odluke o izvršavanju Budžeta/Proračuna Općine Maglaj za fiskalnu 2024. godinu

**Predsjedavajuća Aida Bašić:** Ko je za ovakav predloženi Dnevni red?

**Glasalo za :** Svjetlana Zamboni, Elvir Arnautović, Arif Mujkanović, Almin Smailović, Anida Šahman Kepić, Firuz Galijašević, Senad Šehić, Samir Fetić, Filket Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Maid Suljaković, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

**Glasalo protiv:** Nema.

**Uzdržanih:** Nema.

Konstatujem da sa 22 glasa za usvojili predloženi Dnevni red.

**AD -1: a) Prijedlog Budžeta/Proračuna Općine Maglaj za fiskalnu 2024. godinu**

**b) Prijedlog Odluke o izvršavanju Budžeta/Proračuna Općine Maglaj za fiskalnu 2024. godinu**

**Predsjedavajuća Aida Bašić:** Prelazimo na prvu tačku a to je a) Prijedlog Budžeta/Proračuna Općine Maglaj za fiskalnu 2024. godinu. Na samom početku pozvala bih uvodničara da nam se obrati.

**Senada Alibajraktarević:** Selamim i pozdravljam sve prisutne. Kao što nam je svima poznato na prethodnoj 33. redovnoj sjednici Općinskog vijeća koja je održana 20.12.2023. godine usvojen je Nacrt Budžeta za 2024. godinu uz vaš zaključak da Služba za privredu, finansije i razvoj poduzetništva organizuje i sprovede centralnu javnu raspravu u ponedjeljak 25.12.2023. godine i konačan Prijedlog Budžeta za 2024. godinu da Služba Općinskog načelnika i Općinskog vijeća dostavi 26.12.2023. godine, odnosno u utorak, kako bi se isti dan distribuirali prema Općinskim vijećnicima. Mi smo kao Služba za privredu i Služba Općinskog načelnika i Općinskog vijeća ispoštovali sve vaše zaključke, odnosno dogovorene rokove i dostavili materijal. Nakon toga smo zatražili mišljenje Kantonalnog Ministarstva finansija Zeničko-dobojskog kantona gdje smo dobili i pozitivno mišljenje na ponudeni prijedlog a od momenta održavanja sjednice Općinskog vijeća na kojoj je usvojen Nacrt Budžeta za 2024. godinu, do momenta zaključenja javna rasprave na ponudeni Nacrt Služba za privredu je dobila sljedeće prijedloge, odnosno primjedbe na ponudeni Nacrt. Centar za borbu protiv korupcije Sarajevo potpisan od strane projektonog koordinatora gospodina Emira Olića tražila je zahtjev za planiranje sufinansiranje realizacije projekta jačanje kapaciteta nevladinog sektora u borbi protiv korupcije na lokalnom nivou u iznosu od 1000-2000 KM. taj je zahtjev uobziren u Prijedlog Budžeta. Gospodini Senad Šehić iz Maglaja tražio je povećanje sredstava za sufinansiranje vantjelesne oplodnje za 10.000,00 KM u odnosu na ponudeni u Nacrtu, što je ispoštovano. Zatim MZ Kopice predsjednik vijeća MZ Kopice gospodin Jašić Safet tražio je zahtjev za planiranje sredstava za nastavka izgradnje objekta društvenog doma u MZ Kopice u iznosu od 100.000,00 KM, taj zahtjev nije uobziren u konačan Prijedlog Budžeta ali to ni u kom slučaju ne sprječava Vijeće MZ Kopice da aplicira prema višim nivoima vlasti za realizaciju ovog projekta. Još bih napomenula da je na Centralnoj javnoj raspravi koja je održana u ponedjeljak jedini bio prisutan sa prijedlogom gospodin Jašić Safet koji je iznio kao i u ovom pismenoj formi. Zatim smo dobili pismeni zahtjev od Općinskog pravobranilaštva Maglaj gdje su tražili povećanje sredstava na ekonomskom kodu 614810 Izvršenje sudskih presuda sa plana od 120.000 na 200.000 KM. Taj zahtjev nije uobziren budući da smo se rukovodili prihodovnom stranom Budžeta i onim stvarnim finansijskim mogućnostima što smo mogli uvrstiti u Prijedlog Budžeta za 2024. godinu. Sem toga Općinsko pravobranilaštvo je tražilo zahtjev za dodatna finansijska sredstva vezana za kupovinu namještaja konkretno za Općinsko pravobranilaštvo i taj zahtjev je djelimično uvažen i ubačen je u iznosu od 2.000,00 KM za 2024. godinu. Zatim Služba civilne zaštite Općine Maglaj tražila je zahtjev za povećanje sredstava na poziciji 613727 Usluge opravke centralnog grijanja, oni su tražili povećanje sa 2.000,00 na 2.500,00 KM, taj njihov zahtjev nije uobziren. Smatramo da su planirana sredstva dostatna za izvršenje na ovoj poziciji. Kao i zahtjev za povećanje sredstava na tekućem transferu dobrovoljnog vatrogasnog društva za registraciju motornih vozila, oni su tražili povećanje sa 3.000,00 na 5.000,00 KM i taj je zahtjev uvažen. Zatim smo imali zahtjev Lovačkog društva Soko Maglaj, predsjednika Upravnog odbora gospodina Salatović Damira, zahtjev za 10.000,00 KM za finansijsku pomoć društvu oko postavljanja hranilica i drugih sredstava za ishranu divljači kako bi se činilo što manje štete građanima, te za blagovremeno djelovanje u slučaju zarazne bolesti divljači, afrička kuga u saradnji sa Veterinarskom stanicom. Što se tiče njihovog zahtjeva on se može ispoštivati u već planiranim pozicijama u Prijedlogu Budžeta za 2024. godinu. Zatim smo imali zahtjev od

gospodina Elmira Mustbašića iz Maglaja za povećanje sredstava za izvršenje sudskih presuda. Taj sam zahtjev, konkretno za tu poziciju već objašnjavala kod zahtjeva Općinskog pravobranilašta. Zatim gospođa Ramiza Šišić, sturčeni suradnik za poslove Općinskog vijeća i javne nabavke, da se izdaci za moorno ulje na poziciji na kojoj je planirano 500,00 KM poveća na 1,000,00 KM i predlaže da se predmetna pozicija ukoliko je moguće nazove Izdaci za motorno ulje i potrošni materijal za održavanje vozila. Taj njen zahtjev je djelimično uvažen i pozicija je povećana sa 500,00 na 800,00 KM a s tim da se izmjena pozicije nije moguće izvršiti budući da se mi kod pozicija držimo striktno važećeg zakonskog kontnog plana. Zatim imamo pismeni zahtjev gospođe Eldine Mehinagić, Pomoćnika Opinskog načelnika gdje je tražila zahtjev za izmjenu naziva tekući transfer mjesnim zajednici za redovan rad da se zove tekući transfer za rad mjesnih zajednica. Taj zahtjev je u potpunosti uvažen, tako da je ta pozicija u Prijedlogu tako naznačena. Zatim da se u transferu elementarne nužne životne potrebe lica i porodica u stanju socijalne potrebe uslijed okolnosti pretrpjele prisilne migracije, repatrijacije, elementarne nepogode, smrti jednog ili više članova porodice i slično u tekstu doda i maloljena lica oboljelih od dijabetesa tipa 1 i to je uvaženo u Prijedlogu Budžeta. Zatim, da se u tranfesru sportski klubovi omladinski doda još i sportske aktivnosti i sportski događaji. Taj je zahtjev uvažen u potpunosti, zatim da se novi transfer koji je u Nacrtu Budžeta pod nazivom turistički ured Općine Maglaj briše i planiranih 30.000,00 KM doda na transfer JU Dom kulture a u nazivu doda u opsiju turistički ured Općine Maglaj. Mi smo taj zahtjev djelimično uvažili i na tekućem transferu JU Dom kulture smo napisali tekući transfer JU Dom kulture i jačanje turističkih kapaciteta. Da se transfer za JU Centar za socijalni rad Maglaj poveća na iznos od 335.482,00 KM. taj zahtjev je djelimično uvažen i taj transfer je povećan na iznos od 315.000,00 KM i da se transfer za JU Dječiji vrtić poveća na 200.000,00 KM, taj zahtjev je djelimično uvažen i povećan je na iznos od 195.000,00 KM. To su sve pismeni prijedlozi i primjedbe koje je služba zaprimila vezano za usvojeni Nacrt Budžeta za 2024. godinu i rukovodeći se prvenstveno prihodovnom stranom Budžeta i finansijskim mogućnostima pokušali smo u maksimalnom iznosu udovoljiti svim pismenim zahtjevima. Kao što ste mogli vidjeti u materijalu, prihodi i primitci su planirani u iznosu od 13.592.620,00 KM, od toga porezni prihodi iznose 5.620.040,00 KM. neporezni prihodi 1.844.520,00 KM. zatim tekući transferi 2.641.260,00 KM, donacije u iznosu od 5.500,00 KM. zatim kapitalni transferi 3.231.000,00 KM i kapitalni primitci u iznosu od 250.000,00 KM . kada je riječ o razhodima u Prijedlogu Budžeta za narednu godinu oni iznose 4.057.340 KM od toga sredstva za bruto plaće sa doprinsoom poslodavca i naknada troškova zaposlenih iznose 2.687.000,00 KM. izdaci za materijal, sitan inventar i usluge 2.037.340,00 KM. zatim tekući transferi 3.141.700,00 KM. kapitalni transferi 2.055.000,00 KM, kapitlni izdaci 4.086.300,00 KM, tako da svega razhodi i izdaci iznose 9.921.040,00 KM. Tekuća budžetska rezerva iznosi 50.000,00 KM a tekući razhodi sa kapitalnim izdacima i tekućom budžetskom rezervom iznose 4.057.530,00 KM. Ono što bih još napomenula u uvodnom izlaganju da je konačan Prijedlog Budžeta za 2024. godinu u odnosu na Budžet za 2023. godinu veći za 4.454.655,00 KM. iskoristila bih priliku da se svima zahvalim koji su poslali pismene prijedloge, primjedbe i sugestije. Mi smo pokušali kao što sam već rekla uobziriti u skladu sa finansijskim mogućnostima i prihodovnom stranom Budžeta. Analitiku i kompletno objašnjenje imali ste u materijalu ali ukoliko bude još nekih pitanja, stojim na raspolaganju. Hvala.

**Predsjedavajuća Aida Bašić:** Hvala Senada. Konstatujem da su u ali trenutno prisutni i vijećnici Đuhera Jasmin i Eldin Pehrat, te da današnjoj sjednici prisustvuju 24 vijećnika. Otvaram raspravu. Na zahtjev Kluba SDA 5 minuta pauza. Nastavljamo s radom, rasprava je otvorena, Abdurahmanović izvolite.

**Vijećnik Adis Abudrahmanović:** Selamim i pozdravljam sve prisutne. Pošto nam je ovo zadnja sjednica u ovoj kalendarskoj godini, želim svima da nam čestitam Novu godinu i da nam bude uspješna akobogda. Što se tiče tačke Dnevnog reda, stav Kluba SDA naši prijedlozi koji su ušli u predloženi Nacrt i kao takvi dobili pozitivno mišljenje iz Ministarstva sada u ovom Prijedlogu Budžeta u odnosu na Nacrt drastično su smanjeni, pa ću navesti par primjera. Za održavanje komunalne higijene, javnih površina, divljih deponija ekonomski kod 613324 u prvobitnom Nacrtu su bili 155.000,00 KM, da bi se u drugom Nacrtu povećali na 200.000,00 KM i sada u konačnom

Prijedlogu ta stavka iznosi 170.000,00 KM. Drugo sufinansiranje rada javne kuhinje sa 20.000,00 KM u Nacrtu koji je ponovo dobio pozitivno mišljenje je povećano na 40.000,00 KM u ovom Prijedlogu Budžeta smanjeno je na 30.000,00 KM. 614810 izvršenje sudskih presuda sa 80.000,00 KM bilo je povećano na 120.000,00 KM i u ovom Prijedlogu Budžeta smanjeno na 100.000,00 KM. tekući transferi za redovan rad mjesnih zajednica 614117 sa prvobitnih 40.000,00 KM povećani na 80.000,00 KM i da bi sada u ovom Prijedlogu bili smanjeni na 55.000,00 KM. prijedlog Kluba SDA da se ove navedene stavke ponovo vrate u cifre koje su bile u Nacrtu Budžeta. Hvala.

**Predsjedavajuća Aida Bašić:** Hvala Adise. Da li ima još diskutanata, gospođa Hadžić, izvolite.

**Vijećnica Aida Hadžić:** Pozdravljam sve prisutne i imam jedno pitanje za predstavnika Službe, da nam objasni da ne bi samo bila zabuna vezano za ove stavke koje se tiču sufinansiranja asistenta na kojem je tačno kodu stavljeno, prijevoz za učenike koji bi izrazili želju da idu u Srebrenicu i zašto se u ovom, dobili smo vaše tumačenje i da nam se objasni zašto ne može stajati da su sredstva koja su stavljena na Dom kulture, ne može naglasiti da je to za osnivanje turističkog ureda.

**Predsjedavajuća Aida Bašić:** Hvala gospođu Hadžić. Da li se još neko javlja za riječ? Gospodin Jašić, izvolite.

**Vijećnik Safet Jašić:** Selamim i pozdravljam sve prisutne. Izašao sam sa razlogom kao što ste čuli od šefa službe, ja sam ispred MZ Kopice uputio u predviđenom roku prijedlog za izmjene i dopune Budžeta Općine Maglaj i između ostalog sam došao i na javnu raspravu. Kako bi još detaljnije obrazložio svoj prijedlog, odnosno naš prijedlog mjesne zajednice i čuli smo kako je gospođa Senka to obrazložila, čime ja uopšte nisam zadovoljan. Upućivanjem mene, ja sam svoj prijedlog uputio na Budžet Maglaj, primjedbe i prijedloge prema Budžetu Općine Maglaj a ne prema višim nivoima. Mi to dobro znamo raditi i radimo i ranije smo i radili, što dokazuje činjenica da je 200.000,00 KM uloženo gore i da je to objekat koji stoji onako kako stoji. Mi smo aplicirali i ranije i za ovu narednu godinu prema Federalnom i kantonalnom ministarstvu. Ovo se direktno odnosilo na Budžet Općine Maglaj i da budem malo još precizniji znači pod dva analitička koda koja smo mi primjetili, odnosno naši tamo da se direktno odnose na izgradnju i sanaciju infrastrukture i infrastrukturnih objekata u mjesnim zajednicama. Znači analitički kod 615117 i 615118, u ove dvije stavke je planirano 1.115.000,00 KM, prema tome mi smo našli ovdje, obično se kaže ovdje da kažete nam odakle ćete to prebaciti nekome sredstva. Ovdje smo vidjeli svoju priliku, svoju šansu da ima dovoljno sredstava kako bi se 100.000,00 KM prebacilo, odnosno ugradilo u objekat za koji mi tražimo ta sredstva. Ne bih ništa posebno objašnjavao, javna rasprava je bila takva kakva je bila, neću nikoga kritikovati. Znači ko je imao potrebe možda je neko i bio spriječen, uglavnom i ja sam volio da je to bilo malo posjećnije, da svi ovi prijedlozi koji su došli da ih obrazložimo. Sad postavljam pitanje da li bi, sve bi to verovatno bilo isto, možda ne bi ali evo uglavnom na mom primjeru se može reći znači možda i ne treba posjećivati. Toliko, hvala.

**Predsjedavajuća Aida Bašić:** Hvala gospodine Jašić. Ima li još diskutanata? Pauza na zahtjev Kluba SDP-a pauza. Senade, ima još ako želite radi usaglašavanja. Samo molim vas malo, bilo je pitanje upućeno gospođi Senadi, pa bi je zamolila da odgovori. Kako vijećnici žele, bit će još pitanja, ništa pauza. Nastavljamo dalje, gospodin Jašić izvolite.

**Vijećnik Safet Jašić:** Ja se izvinjavam, samo ću kratko na kraju svoje diskusije zaboravio sam da kažem da predlažem da ova cifra od 100.000,00 KM uđe u Prijedlog Budžeta.

**Predsjedavajuća Aida Bašić:** Hvala gospodine Jašić, da li se još neko javlja za riječ. Ukoliko nema više diskutanata, Senada izvolite.

**Senada Alibajraktarević:** Ja se nadam da sam sve zapisala. Prvo i u uvodnom izlaganju sam rekla znači da smo i kod izrade Prijedloga Budžeta nakon izrađenog Prijedloga koji je uradio Općinski načelnik, poslali smo zahtjev za mišljenje Kantonalnom Ministarstvu finansija gdje smo i na ponuđeni Prijedlog Budžeta dobili pozitivno mišljenje koje smo dostavili u materijalu za ovu sjednicu Vijeća. Još jednom napominjem da smo sve stavke koje smo planirali rukovođili se prihodovnom stranom Budžeta i finansijskim mogućnostima Budžeta. Evo sada pokušat ću odgovoriti na sva pitanja, ako sam slučajno nešto preskočila molim vas podsjetite me. Što se tiče gospodina Abdurahmanovića, održavanje javne higijene, ono je sa Prijedloga od 155.000,00

povećano na 200.000,00 KM pa je onda završeno na 170.000,00 KM. Konačan prijedlog je održavanje javne higijene 170.000,00 KM, s tim što bih napomenula da je zaštita okoline i uređenje platana pozicija 613951-1 povećana za 10.000,00 KM što niste spomenuli kod izlaganja u odnosu na Nacrt Budžeta za 2024. godinu. Što se tiče pitanja za sufinansiranje asistenata u nastavi od gospođe Aide Hadžić, mi smo tu bili u jednoj velikoj dilemi budući da se sufinansiranje volontera odnosno asistenata u nastavi je pod nadležnosti Ministarstva obrazovanja Zeničko-dobojskog kantona, pa da ne bi došli u situaciju da jednostavno radimo nešto što nije naša nadležnost, mi smo odlučili da ta pozicija ne bude uvrštena u Budžetu ali ukoliko bude potrebe za sufinansiranje asistenata, odnosno volontera mi ćemo je financirati iz tekuće budžetske rezerve za 2024. godinu. Što se tiče pitanja prevoz za Srebrenicu, on se nalazi na poziciji 613524 izdaci za prevoz putnika i odlazaka u Srebrenicu i planiran je u iznosu od 7.000,00 KM. Što se tiče pitanja za turistički ured, mi smo na tekućem transferu JU Dom kulture dodali i jačanje turističkih kapaciteta ali evo da bi ispoštovali i taj vaš zahtjev, možemo dodati u zagradi osnivanje organizacionog oblika. Tako da bi to bio naš konačan prijedlog, odnosno ispred Službe vezano za Prijedlog Budžeta Općine Maglaj. Mislim da sam na sva pitanja odgovorila ali ako sam nešto preskočila slobodno pitajte.

**Predsjedavajuća Aida Bašić:** Hvala Senada. Da li ima još diskutiranih? Ukoliko nema, zatvaram raspravu i imamo dva prijedloga. Jedan je ispred Kluba SDA da se stavke koje su bile u Nacrtu Budžeta ponovo vrate u Prijedlog Budžeta za 2024. godinu, Adise, da li ima potrebe da pročitam stavke. Evo ko je za prijedlog SDA?

**Glasalo za:** Aida Bašić (A-SDA), Maid Suljaković, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Eldin Pehrat, Edin Osmić (SDA),

**Glasalo protiv:** Nema.

**Uzdržanih:** : Svjetlana Zamboni, Elvir Arnautović, Arif Mujkanović, Almin Smailović, Anida Šahman Kepić, Firuz Galijašević, Đuhera Jasmin, Senad Šehić, Samir Fetić, Fikret Delić (SDP), Mustafa Bešić (samostalni vijećnik), ), Pero Mamić (HDZ BH), Aida Hadžić (DF),

**Predsjedavajuća Aida Bašić:** Konstatujem da prijedlog nije dobio potrebnu većinu, drugi prijedlog je bio od vijećnika Safeta Jašića, odnosio se da se u Budžet uvrsti 100.000,00 KM koji bi bili namjenjeni za dom u Kopicama. Ko je za ovaj prijedlog?

**Glasalo za:** Maid Suljaković, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Eldin Pehrat, Edin Osmić (SDA),

**Glasalo protiv:** Nema.

**Uzdržanih:** : Svjetlana Zamboni, Elvir Arnautović, Arif Mujkanović, Almin Smailović, Anida Šahman Kepić, Firuz Galijašević, Đuhera Jasmin, Senad Šehić, Samir Fetić, Fikret Delić (SDP), Mustafa Bešić (samostalni vijećnik), ), Pero Mamić (HDZ BH), Aida Hadžić (DF), Aida Bašić (A-SDA).

**Predsjedavajuća Aida Bašić:** Konstatujem da prijedlog nije dobio potrebnu većinu. Nakon rasprave i prijedloga koji smo imali, stavljam Prijedlog Budžeta/Proračuna Općine Maglaj za fiskalnu 2024. godinu na glasanje. Ko je za?

**Glasalo za:** Svjetlana Zamboni, Elvir Arnautović, Arif Mujkanović, Almin Smailović, Anida Šahman Kepić, Firuz Galijašević, Đuhera Jasmin, Senad Šehić, Samir Fetić, Fikret Delić (SDP), Mustafa Bešić (samostalni vijećnik), ), Pero Mamić (HDZ BH), Aida Hadžić (DF), Aida Bašić (A-SDA).

**Glasalo protiv:** Maid Suljaković, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Eldin Pehrat, Edin Osmić (SDA),

**Uzdržanih:** Nema.

Konstatujem da je tačka dobila potrebnu većinu

Mirza Mešić (samostalni vijećnik) van sale za vrijeme glasanja.

**Predsjedavajuća Aida Bašić:** Tačka 1. Pod b, da li nam je potreban uvoničar? Konstatujem da je Mirza Mešić van sale. Nakon što smo završili Budžet, odnosno usvojili Budžet, možete načelnice, Izvolite.

**Mirsad Mahmutagić, Općinski načelnik:** Prije svega koristim priliku da sve srdačno pozdravim i poselanim, nisam siguran nakon ove druge tačke da se nećemo brzo razići, pa evo samo bih iskoristio priliku dakle da se zahvalim svima na saradnji u 2023. godini i Općinskoj administraciji i vijećnicima i svima koji su učestvovali u radu organa i Općine i komisija, udruženja, svima želim čestitati evo nadolazeću Novu godinu. Želim svima dobro zdravlje, da budete zadovoljni sa narednom godinom, nafakali što bi rekao narod i evo u konačnici bez obzira na sve trakavice koje su bile zahvaljujem se vijećnicima koji su podržali dakle Budžet za 2024. godinu. Time smo otvorili vrata da normalno funkcionišemo odmah iza Nove godine. Dakle, hvala vam i sretno.

**Predsjedavajuća Aida Bašić:** Hvala načelniče, ukoliko nema potrebe za uvodničarem, niste se izjasnili da želite. Otvaram raspravu, vezano za pod b) prve tačke. Da li ima diskutanata? Nema, ima izvolite Abdurahmanović.

**Vijećnik Adis Abdurahmanović:** Ja bih samo pitao Službu da li je, pošto nema u materijalu, da li je pristigao Prijedlog MZ Kosova na izmjene, ako može da izađe neko samo.

**Predsjedavajuća Aida Bašić:** Hvala Abdurahmanović. Senada izvolite.

**Senada Alibajraktarević:** Što se tiče Prijedloga Odluke o izvršavanju Budžeta/Proračuna Općine Maglaj za 2024. godinu, dobili smo samo jedan pismeni prijedlog, odnosno stav i mišljenje na Nacrt Odluke o izvršavanju Budžeta Općine Maglaj za 2024. godinu, od MZ Kosova, odnosno potpisan od strane predsjednika vijeća MZ Kosova gospodina Enesa Sejmenovića. Traženo je da se u članu 34. Transferi neprofitnim organizacijama mijenja tekst tako što će se izmijeniti tekst koji donosi Općinski načelnik upisati tekst koje donosi Komisija za sport sastavljena od predstavnika sportskih organizacija na općini Maglaj. Nakon sačinjenog plana i hodograma za isplatu tranši i da se u članu 35. Tekući transferi mjesnih zajednica mijenja zadnja rečenica, da glasi ostali transferi mjesnih zajednica koristit će se prema odlukama Općinskog načelnika uz raniju saglasnost Općinskog vijeća i pribavljeno mišljenje zvaničnih organa mjesne zajednice, odnosno vijeća mjesne zajednice. Kao što ste mogli vidjeti u materijalima, član 34. Odluke o izvršavanju Budžeta za 2024. godinu, glasi sredstva utvrđena u razdjelu 11. Glava 111 Transferi neprofitnim organizacijama odobrvat će Pomoćnik načelnika za boračko-invalidsku, socijalnu zaštitu, opću upravu i društvene djelatnosti prema kriterijima koje donosi Općinski načelnik a član 35. Tekući transferi mjesnih zajednica glasi, sredstva utvrđena u razdjelu 11, glava 111 tekući transferi mjesnim zajednicama odobrvat će Pomoćnik načelnika za boračko-invalidsku, socijalnu zaštitu, opću upravu i društvene djelatnosti prema kriterijima o načinu raspodjele planiranih sredstava za redovan rad mjesnih zajednica koje donosi Općinski načelnik. Ostali transferi mjesnih zajednica koristit će se prema Odlukama Općinskog načelnika.

**Predsjedavajuća Aida Bašić:** Hvala Senada, Abdurahmanović, izvolite.

**Vijećnik Adis Abdurahmanović:** Ja ću se samo malo osloniti na ovo pošto sam i član vijeća MZ Kosova i zaista smo pošto imamo u vijeću i članove nogometnog kluba VIS SIMBAU, pa smo se dotakli ove stavke a koliko se sjećate prije par godina bio je formiran tzv. Sportski savez čini mi se kojem je bio cilj da od sredstava za sport, da oni naprave te kriterije i da rasporede koliko će koji klub dobiti. Tako da imamo informacije da se neravnomojerno raspoređuju sredstva. Ne bih sada za govornicom naglašavao klubove za koje imamo informacije koliko je ko dobio ali zaista bilo je potrebno ponovo da se taj savez oformi. Da bi sve bilo transparentno. Ja ću svakako, evo nije sada ali poslije Nove godine na sljedećoj sjednici tražiti pitanje od Službe za sve sportske klubove iz 2023. godine koliko je ko dobio sredstava i koji su to bili kriteriji ako znamo da se sve općine u našem okruženju vode time da veća sredstva dobivaju klubovi, odnosno ekipe koje su po nivou takmičenja što mislim u ovom slučaju kod nas u Maglaju da nije tako. Ujedno ćemo i predložiti ovaj član 34. i 35. da bude ..

**Predsjedavajuća Aida Bašić:** Prijedlog Vaš da se izmijeni kao što je u Nacrtu bio?

**Vijećnik Adis Abdurahmanović:** Nije bio u Nacrtu, nego ovo što je gospođa Alibajraktarević pročitala da ide.

**Predsjedavajuća Aida Bašić:** Može, napraviti ćemo pauzu pa vi formirajte vaš prijedlog pa ćemo ga pročitati onako želite da glasi. Da li ima još diskutanata? Na zahtjev gospođe Hadžić pauza. Nakon pauze nastavljamo dalje. rasprava je još uvijek otvorena, ukoliko nema zatvaram raspravu i



kada je u pitanju Prijedlog Odluke o izvršavanju Budžeta/Proračuna Općine Maglaj za fiskalnu 2024. godinu imali smo jedan prijedlog, koji je došao ispred Kluba SDA a on glasi da se u članu 34. Transferi neprofitnim organizacijama mijenja tekst tako što će se izmijeniti tekst koje donosi Općinski načelnik upisati tekst koje donosi Komsiiija za sport sastavljena od predstavnika sporstkih organizacija na općini Maglaj, nakon sačinjenog plana i hodograma za isplatu tranši. Da se u članu 35. Tekući transferi mjensim zajednicama mijenja zadnja rečenica i da glasi ostali transferi mjesnih zajednica koristiti će se prema Odlukama Općinskog načelnika uz ranaiju saglasnost Općinskog vijeća i pribavljenog mišljenja zvaničnih organa mjesnih zajednica, vijeća mjesnih zajednica. Ovaj prijedlog stavljam na glasanje. Ko je za?

**Glasalo za:** Maid Suljaković, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA),

**Glaslao protiv:** Svjetlana Zamboni, Elvir Arnautović, Arif Mujkanović, Almin Smailović, Anida Šahman Kepić, Firuz Galijašević, Đuhera Jasmin, Senad Šehić, Samir Fetić, Fikret Delić (SDP), Mustafa Bešić (samostalni vijećnik), ), Pero Mamić (HDZ BH),

**Uzdržanih:** Aida Hadžić (DF), Aida Bašić (A-SDA).

**Predsjedavajuća Aida Bašić:** Konstatujem da prijedlog nije dobio potrebnu većinu. Nakon toga prelazimo na glasanje Prijedlog Odluke o izvršavanju Budžeta/Proračuna Općine Maglaj za fiskalnu 2024. godinu, ko je za?

**Glasalo za:** Svjetlana Zamboni, Elvir Arnautović, Arif Mujkanović, Almin Smailović, Anida Šahman Kepić, Firuz Galijašević, Đuhera Jasmin, Senad Šehić, Samir Fetić, Fikret Delić (SDP), Mustafa Bešić (samostalni vijećnik), ), Pero Mamić (HDZ BH), Aida Hadžić (DF), Aida Bašić (A-SDA).

**Glasalo protiv:** Maid Suljaković, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA),

**Uzdržanih:** Nema.

Vijećnik Eldin Pehrat (SDA) i Mirza Mešić (samostalni vijećnik) van sale za vrijeme glasanja.

**Predsjedavajuća Aida Bašić:** Konstatujem da je Prijedlog Odluke dobio potrebnu većinu. Nakon što smo završili ovaj oficijelni dio, ja želim ispred rukovodstva Općinskog vijeća da čestitam svim vijećnicama nastupajuću 2024. kalendarsku godinu i naravno svim građanima općine Maglaj.

## ZAKLJUČAK

1.1. Donosi se Budžet/Proračun Općine Maglaj za fiskalnu 2024. godinu.

1.2. Da se u Budžetu/Proračunu Općine Maglaj za fiskalnu 2024. godinu na poziciji

„Tekući transfer JU Dom kulture i jačanje turističkih kapaciteta“ doda u zagradi „osnivanje organizacionog oblika“.

1.3. Donosi se Odluka o izvršavanju Budžeta/Proračuna Općine Maglaj za fiskalnu 2024. godinu.

Sjednica završena u 10,15 sati.

Zapisničar

Elza Gračić



